



Broj: 01/6-50-1-32-11/05
Sarajevo, 17.2.2005.

Z A P I S N I K
sa 11. sjednice Komisije za promet i komunikacije

Sjednica je održana 17.2.2005. godine s početkom u 13,00 sati.

Sjednici su nazočili članovi Komisije:

- | | |
|-----------------------|-----------------|
| 1. Miloš Jovanović, | 6. Adem Huskić, |
| 2. Muhamed Moranjkić, | |
| 3. Ivo Lozančić, | |
| 4. Izet Hadžić, | |
| 5. Selim Bešlagić, | |

Članovi Komisije: Nenad Mišić, Ruža Sopta i Milorad Živković nisu bili nazočni sjednici.

U ime Vijeća ministara BiH sjednici su nazočili Kojo Koprivica i Mirko Šekara. Vitomir Tošić i Dalibor Mladenović su prisustvovali sjednici po ovlaštenju zastupnika Momčila Novakovića – predlagača amandmana, dok je zastupnik Vinko Zorić, takođe kao predlagač amandmana osobno nazočio. Isanović Edin je bio nazočan u ime Istraživačkog centra PS BiH.

Sjednici je bio nazočan tajnik Komisije Milan Zjajić i studenti stažiste Jasmina Sazdovski i Mersiha Smajić.

Predsjedatelj Miloš Jovanović je predložio sljedeći:

D N E V N I R E D

1. Verificiranje Zapisnika sa:
 - a) 9. sjednice, održane 18.1.2005. godine
 - b) 10. sjednice održane 31.1.2005. godine
2. Prijedlog zakona o osnovama sigurnosti prometa na putevima u Bosni i Hercegovini, predlagač Vijeće ministara BiH,
3. Ostala pitanja.

Dnevni red je jednoglasno prihvaćen.

Ad. 1. Verificiranje Zapisnika sa:

- a) 9. sjednice, održane 18.01.2005. godine**
- b) 10. sjednice održane 31.01.2005. godine**

Bez primjedbi, Komisija je jednoglasno verificovala zapisnike sa 9. sjednice, održane 18.1.2005. godine i 10. sjednice održane 31.1.2005. godine

Ad. 2. Prijedlog zakona o osnovama bezbjednosti prometa na putevima u Bosni i Hercegovini, predlagač Vijeće ministara BiH,

Prije otvaranja rasprave predsjedatelj je istakao da su na predloženi zakon amandmane uložili: Momčilo Novaković, Selim Bešlagić, Adem Huskić i Vinko Zorić, a najavio ih je i Mirsad Ćeman. Dodao je i da je od fakulteta kriminalističkih znanosti dobio publikaciju sa okruglog stola organiziranog povodom rasprave o predloženom zakonu te da zbog značaja oblasti koju zakon regulira i velikog interesa osobno

smatra poželjnim otvaranje javnog saslušanja, koje bi koristilo članovima Komisije da donesu što bolju odluku. Sličnog razmišljanja su bili i ostali članovi Komisije, kao i predstavnici predlagača zakona.

Zatim je o Predloženom zakonu i amandmanima Momčila Novakovića, nadahnuto, diskutovao Vitomir Tošić. U daljnjoj raspravi su učestvovali i ostali nazočni članovi Komisije i predstavnici predlagača Zakona.

Nakon provedene rasprave, a prije otvaranja procedura iz članka 87. Poslovnika, Komisija je jednoglasno odlučila:

1. Da otvari javno saslušanje o Prijedlogu zakona o osnovama sigurnosti prometa na putevima u Bosni i Hercegovini,

2. Da se Javno saslušanje održi u zgradi institucija BiH u Sarajevu, Bijela sala, dana 11. ožujka 2005. godine s početkom u 11,00 sati.

3. Da se na javno saslušanje pored članova Komisije pozovu predstavnici predlagača - Vijeća ministara BiH, i o javnom saslušanju sa mogućnošću učešća obavijeste: svi zastupnici, predstavnici: izvršne i zakonodavne vlasti entiteta i kantona (Ministarstva obrazovanja, Ministarstva zdravlja, Ministarstva unutarnjih poslova), nevladinih organizacija - udruga (Crveni krst/križ, Udruge sudaca i tužitelja, Udruga sudaca za prekršaje, Auto – moto savez i sl), ostala zainteresovane pravne osobe (Osiguravajuća društva, visokoškolske organizacije – pravni, prometni i fakultet kriminalističkih znanosti, policijske akademije i sl), kao i pojedinci koji imaju valjan interes.

Nakon provedenog javnog saslušanja Komisija će se izjasniti o Prijedlogu zakona o osnovama sigurnosti prometa na putevima u Bosni i Hercegovini, kao mjerodavna komisija i podnijeti izvješće Zastupničkom domu.

Ad. 3. Ostala pitanja

Na prijedlog Muhameda Moranjkića Komisija je jednoglasno odlučila da se od Ministarstva za promet i komunikacije ponovo zatraži da odgovore na pitanja koja su im postavljena na 8. sjednici održanoj 15.7.2004. godine. To su sljedeća pitanja, odnosno podaci koje treba dostaviti:

1. uvjeti i kriteriji za raspodjelu dozvola, ko je i na osnovu čega propisao uvjete, mikro i makro raspodjelu dozvola, te da se dostavi Pravilnik kojim je to regulirano;
2. uvjeti za rad korisnika, pogotovo potreban broj vozila kojima korisnici moraju raspolagati;
3. pojašnjenje legendi koje se nalaze u datom Izvješću, kao i vrste i oznake dozvola, dozvole vezane za međunogranični promet. Za sve treba dostaviti originalnu dokumentaciju;
4. ko je ovlašten za dodjelu dozvola i kako se dozvole dodjeljuju, da li dozvole dodjeljuje Komisija ili neko drugi;
5. postupak oduzimanja dozvola;
6. prava cijena dozvola, ko je i na koji način formirao cijene, na koji način i kome se naplaćuju dozvole po vrstama i vremenskom korištenju;
7. koji prevoznici su tražili a nisu dobili dozvole i zašto;
8. spisak članova Komisije za raspodjelu dozvola i od koga je Komisija formirana;
9. zapisnik o radu Komisije o raspodjeli dozvola;
10. obavještenja prevoznika o raspodjeli dozvola i kada su dozvole dobijene a kada su uručene.

Kako nije bilo drugih prijedloga za ovu točku dnevnog reda predsjedatelj je u 15. sati zaključio sjednicu.

Napomena: Sastavni dio ovog zapisnika je stenogram koji sačinjava Zajednička služba Parlamentarne skupštine BiH.

TAJNIK KOMISIJE
Milan Zjajić

PREDSJEDATELJ KOMISIJE
Miloš Jovanović